

आकाशवाणी

- केन्द्री गृह मंत्री अमित शाह होरें अंतरराष्ट्री बन्ने पर माली लैने-देन, इमारतें दे निर्माण ते संपत्तियें दी खरीद-बिक्री पर सख्त निगरानी रक्खने दा आह्वान कीता ऐ।
- म्तेहानें सरबन्धी राश्ट्री एजेंसी एनटीए ने सोशल मीडिया ते मैसेजिंग प्लेटफॉर्म पर प्रसारित होआ करदे नीट (यूजी) 2026 दे परतियै लैते गेदे म्तेहान दे पर्चे दे कथित तौर पर लीक, अगेत्री पुज्ज जां बिक्री कन्नै सरबन्धत अफवाहीं दा खंडन कीता ऐ।
- पच्छिम बंगाल दे मुख्यमंत्री शुभेंदु अधिकारी होरें आखेआ ऐ जे उं' दी सरकार प्रमुख धार्मिक थाहें, दक्षिणेश्वर ते कालीघाट मंदरें च सुविधाएं गी बधाने लेई विकास कम्म करग।
- बदेश मंत्री डाक्टर एस, जयशंकर होरें नर्मी दिल्ली च नेपाल दे बदेश मंत्री शिशिर खनाल हुंदे मलाटी कीती।
- अंतर्राष्ट्री ब्हाई परिवहन संघ ने एशिया-प्रशांत खिते च विमानन दे विकास च भारत दी भूमिका गी महत्वपूर्ण करार दिता ऐ। इस खेतर च 2044 तगर ब्हाई यात्रियें दी गिनतरी 4.1 अरब तगर पुज्जने दी मेद।
- सैफ महिला चैम्पियनशिप 2026 दे फाइनल मुकाबले च भारत ने मजूदा चैंपियन बांग्लादेश गी 3-1 कन्नै हराइयै रिकॉर्ड 6मीं बारी खिताब अपने नांs करी लैता ऐ।

<><><><><><>

Shah-IB

केंद्री गृह मंत्री अमित शाह होरें अंतरराष्ट्री बन्ने पर माली लैने-देन, भवन निर्माण ते संपत्तियें दी खरीद बिक्री पर सख्त निगरानी रक्खने दा आह्वान कीता ऐ।

एह निर्देश श्री शाह हुं'दी अध्यक्षता च बीएसएफ दे त्रिपुरा सीमा मुख्यालय च पूर्वोत्तर राज्य दे बन्ने आले इलाकें दे सरबंध्य च होई दी बैठक दे दरान दिता गेआ। गृह मंत्री होरें पिच्छले 5एं बरें दे जिमीं रिकार्डें दी जांच कराने दा बी निर्देश दिता। शाह होरें आखेआ जे नशीले पदार्थें ते थेहारें दी तस्करी दे खलाफ लगातार अभियान चलाए जाने लोइचदे न ते नशीले पदार्थें दी तस्करी च शामिल सब्भन लोके खलाफ सख्त कार्रवाई कीती जानी चाहिदी। उनें आखेआ जे बन्ने आले जिलें च माली अनुशासन जकीनी बनाना, राज्यें दी जिम्मेदारी ऐ। शाह होरें कलेक्टरें ते जीएसटी अधिकारिं गी सिखलाई देने ते केंद्री प्रतक्ख टैक्स बोर्ड-सी.बी.डी.टी गी नकली करंसी दा सर्वेक्षण करने दा निर्देश दिता।

<><><><><><>

NTA-NEET

राष्ट्री परीक्षा एजेंसी नै सोशल मीडिया ते मैसेजिंग प्लेटफार्म पर प्रसारित होआ'रदी नीट यू.जी 2026 पुनः परीक्षा दे प्रश्नपत्र दे कथित तौरा पर लीक, अग्रिम पुज्ज जां बिक्री कन्ने सरबंध्यत अफवाहें दा खंडन कीता ऐ। एजेंसी नै आखेआ ऐ जे एह विद्यार्थिं ते उन्दे परौआरें दी चिंताएं दा फायदा ठोआने आहले संगठित नकल गिरोहें दा कम्म कीता ऐ। एजेंसी नै जोर देइये आखेआ ऐ जे परीक्षा प्रक्रिया दी निरपखता पूरी चाल्ती बनी दी ऐ। मेदवारें आस्तै निरपक्ख ते सुरक्षित परीक्षा यकीनी करने आस्तै सारे जरूरी सुरक्षा उपाळ कीते गेदे न। एजेंसी नै आखेआ ऐ जे सक्रिय तौर पर आपत्तिजनक चैनलें, खातें ते सामग्री दी पंछान करिए सरबंध्यत प्लेटफार्म ते साइबर अपराध अधिकारिं गी फौरी कार्रवाई आस्तै सूचना उपलब्ध करा'रदी ऐ।

<><><><><><>

WB-Temple Work

पच्छिम बंगाल दे मुखमन्त्री सुवेंधु अधिकारी होरें आखेआ ऐ जे भारती जनता पार्टी दी सरकार प्रमुख धार्मिक थाहरें, दक्षिणेश्वर ते कालीघाट मंदरें च सुविधाएं गी बदाने आस्तै विकास कम्म करोग। मुखमन्त्री होरें आखेआ जे गंगा सागर मेले गी अंतरराष्ट्री मानकें दे मूजब बनाने दा कम्म शुरू होई चुके दा ऐ ते कन्नै गै दक्षिणेश्वर ते कालीघाट जनेह् प्रमुख धार्मिक थाहरें दी सुविधाएं च सुधार कीते जाइन।

<><><><><><>

EAM-Nepal

बदेश मंत्री डाक्टर एस, जयशंकर होरें नमीं दिल्ली च नेपाल दे बदेश मंत्री शिशिर खनाल हुं दे मलाटी कीती। बैठक दे बाद श्री जयशंकर होरें 2015 दे भूचाल दे बाद परतियै निर्माण आहले कार्यक्रमै तैहत नेपाल गी 72 सेहत सुविधां ते 12 सांस्कृतिक विरासत परियोजनां वर्चुअल माध्यम राहें सौंपियां। दवै नेताएं दौनें मुखें बशकार व्यक्तिगत रूप कन्नै पैसे दे लैन-देन गी सखल्ला बनाने लेई यूपीआई सरिस्ते दा सांझे तौर पर शुभारंभ कीता। दौनें नेताएं, डिजिटल इंडिया भाषिनी ते काठमांडू युनिवर्सिटी बशकार नेपाल लेई 'वॉयस फ्रस्ट भाशा अनुवाद मंच गितै राष्ट्रीय डिजिटल ढांचे दे सांझे तौर पर निर्माण लेई इक समझौता जापन दा आदान-प्रदान बी कीता। डॉ. जयशंकर होरें दौनघे मुखें दे लोकें दी तरक्की, समृद्धि ते कल्याण लेई नेपाल दे कन्नै रलियै कम्म करने दी भारत दी वचनबद्धता गी बी पक्का कीता। बैठक दरान बदेश मंत्री होरें आखेआ जे भारत ते नेपाल अपने लम्मे ते टकोहदे तौर पर खुल्ले बन्ने पर सुरक्षा बनाई रखने ताई नेइमां सैहयोग करदे न ते दौनें देश म्हेशां जरूरत दे बेल्लै इक-दुए कन्नै खड़ोते दे बी रेह न। डॉ. जयशंकर होरें नेपाल च बनी दी युवा नेतृत्व आहली सरकार दी कामयाबी लेई शुभकामनां बी दितिआं।

<><><><><><>

ITA

अंतरराष्ट्रीय ब्रह्म परिवहन संघ नै एशिया प्रशांत क्षेत्र च विमानन दे विकास च भारत दी भूमिका गी महत्वपूर्ण दस्सेआ ऐ। इस क्षेत्र च 2044 तगर ब्रह्म यात्रिणं दी गिनतरी 4 अशारिया 1 अरब तगर पुज्जने दा अंदाजा ऐ। अंतरराष्ट्रीय ब्रह्म परिवहन संघ दे एशिया-प्रशांत क्षेत्र दे उपाध्यक्ष शेल्डन ही नै कल ब्राजील च दस्सेआ जे भारत पिछले केई बरें थमां इस क्षेत्र दे विमानन विकास च महत्वपूर्ण योगदान देआरदा ऐ। उनें आखेआ जे भारत दुनिया दे सब्बनें थमां तेजी कन्नें बददे घरेलु नागरिक विमानन बजारें च इक ऐ। रेल्डन ही होरें एह बी आखेआ जे एशिया प्रशांत क्षेत्र च पिछले 5 सोयां 10 बरें च मजबूत बाददा होआ ऐ ते भविष्य च बी एहदे मजबूत बने रौहने दी मेद ऐ। अंतरराष्ट्रीय ब्रह्म परिवहन संघ 370 थमां मती एयरलाइनें दी अगुवाई करदा ऐ।

<><><><><><>

LPG

आलमी सतह उप्पर ईंधन दिऐं कीमतें गी लेइयै बने दे यक्कोतक्की आहले हालात दे दरम्यान घरेलू रसोई गैस दी कीमत च 14.2 किलोग्राम दे सिलेंडर पर 29 रुपें दा बाददा कीता गेआ ऐ। दिल्ली च अज्जै थमां घरेलू रसोई गैस दी कीमत 913 रुपें शा बधियै 942 रुपे होई जाहग।

<><><><><><>

US-Iran

अमरीकी फौजै होर्मुज जलडमरूमध्य च अंतरराष्ट्रीय समुंदरी यातायात लेई खतरा मन्ने जाने आहले द' उं ईरानी ड्रोनें गी रोकियै तबाह करी दिता ऐ। अमरीकी केंद्री कमान ने पच्छिम एशिया च तैनात अमरीकी बलें दी इस कार्रवाई दी तसदीक कीती ऐ।

फौजी कमान ने दस्सेआ जे अमरीकी बल हाई अलर्ट पर न ते इस खिते च कुसै बी खतरे दा जवाब देने लेई तैयार न। पच्छिम एशिया च तनोतनी होर बधी गोई ऐ। ईरान ने कल कुवैत ते बहरीन च अमरीका दे फौजी ठकानों पर बैलिस्टिक मिसाइलां दागियां। एह हमले, होर्मुज जलडमरूमध्य दे नेड़े ईरानी ड्रोन गतिविधि दिएं खबरें परैन्त अमरीकी बलें दे केशम टापु ते गोरोक च ईरानी रडार ते निगरानी थाहें गी नशाना बनाने दे किश घेंटें दे बाद होए न।

<><><><><><>

SAAF

सैफ महिला चैम्पियनशिप 2026 दे फाइनल मुकाबले च भारत ने मजूदा चैंपियन बांग्लादेश गी 3-1 कन्नै हराइयै रिकॉर्ड 6मीं बारी खिताब अपने नांस करी लैता ऐ। एह मैच कल गोवा दे मडगांव च खेड़ेआ गेआ। 7एं बरें परैन्त, भारती महिला टीम ने इक बारी फही एह ट्रॉफी अपने नांस कीती ऐ।

<><><><><><>

Hockey

हॉकी च भारत दी मर्दे दी टीम ने जापान गी 4-1 कन्नै हराइयै त्री बारी अंडर-18 एशिया कप अपने नांस कीता ऐ। भारत लेई आशीष पुर्ती ने हैट्रिक बनाई ते कप्तान केतन कुशवाद ने दूआ गोल कीता। गाकु नुमादा ने मेजबान टीम आस्तै इक गोल कीता। तोआई भारती महिला टीम ने दक्खन कोरिया गी 3-0 कन्नै हराइयै कैह दा तगमा हासल कीता ऐ। प्रधानमंत्री नरेन्द्र मोदी होरें मर्दे दी भारती हॉकी अंडर-18 टीम गी एशिया कप जितने पर बधाई दिती ऐ। सोशल मीडिया दी इक पोस्ट च श्री मोदी होरें आखेआ जे टीम नै बड़ी बहादरी ते बधिया टीम भावना दा प्रदर्शन कीता ऐ। प्रधानमंत्री होरें महिला अंडर-18 टीम गी बी एशिया कप 2026 च कैह दा तगमा जितने पर मुबारकबाद दिती ऐ।

<><><><><><>

IMD

मौसम विभाग नै कर्नाटक दे तटीय हिस्से केरलम ते माहे च किश थाहरें पर मौलेधार बरखा दा अनुमान जाहिर कीता ऐ। पूर्वोत्तर भारत, अंडमान ते निकोबार द्वीप समूह, कर्नाटक, कोंकण ते गोवा लक्षद्वीप, महाराष्ट्र, हिमालय दे तटीय क्षेत्र, पच्छिम बंगाल, सिक्किम, तमिलनाडू ते पुदुचेरी दे किश हिस्सें च अज्ज बी बरखा दी मेद ऐ।

<><><><><><>